



REPUBLIKA E SHQIPËRISË
AGJENCIA E SIGURIMIT TË CILËSISË NË ARSIMIN E LARTË
BORDI I AKREDITIMIT

VENDIM

Nr. 71, datë 21.09.2017

PËR
AKREDITIMIN E PARË TË INSTITUCIONIT TË ARSIMIT TË LARTË
UNIVERSITETI “ISMAIL QEMALI”, VLORË

Bordi i Akreditimit, bazuar në Ligjin Nr. 80, datë 17.09.2015, “Për arsimin e lartë dhe kërkimin shkencor në institucionet e arsimit të lartë në Republikën e Shqipërisë”, Ligji Nr. 8480, datë 27.5.1999 “Për Funkcionimin e Organeve Kolegjiale të Administratës Shtetërore dhe Enteve Publike”, Vendimin e Këshillit të Ministrave Nr. 109, datë 15.02.2017 “Për organizimin dhe funksionimin e Agjencisë së Sigurimit të Cilësisë në Arsimin e Lartë e të Bordit të Akreditimit dhe për përcaktimin e tarifave për proceset e sigurimit të cilësisë në arsimin e lartë”, Vendimin e Bordit të Akreditimit, Nr. 1, datë 07.04.2017, “Për mbylljen e procedurave të mbartura për shkak të riorganizimit të Institucioneve të Sigurimit të Cilësisë në Arsimin e Lartë” dhe Vendimin e Bordit të Akreditimit, Nr. 2, datë 07.04.2017, “Për përcaktimin e kohëzgjatjes dhe afateve të vlefshmërisë së akreditimit në kuadër të vendimmarrjes për akreditimin e Institucioneve të Arsimit të Lartë dhe Programeve të Studimit”,

si dhe

në zbatim të Kontratës së Përgjithshme të Projektit “Për ofrimin e ekspertizës për Sigurimin e Cilësisë në mbështetje të krijimit të materialeve të vlerësimit të jashtëm të cilësisë, trajnimit të ekspertëve vlerësues të jashtëm dhe ekspertizës në mbështetje të vlerësimit të jashtëm të Institucioneve të Arsimit të Lartë në Shqipëri”, Nr. 2064 Prot., datë 29.02.2016, lidhur ndërmjet Ministrisë së Arsimit dhe Sportit të Republikës së Shqipërisë dhe Agjencisë së Garantimit të Cilësisë për Arsimin e Lartë në Mbretërinë e Bashkuar,

në mbledhjen e tij të datës 21.09.2017, në kuadër të vendimmarrjes për akreditimin institucional të **Institucionit të Arsimit të Lartë, Universiteti “Ismail Qemali”, Vlorë, me të dhënat si më poshtë:**

- a) Emërtimi i Institucionit të Arsimit të Lartë: **Universiteti “Ismail Qemali”, Vlorë**
- b) Organizimi i Institucionit: **Publik**
- c) Lloji i Institucionit: **Universitet**
- d) Njësitë kryesore të Institucionit:

- a. Fakulteti i Ekonomisë
 - b. Fakulteti i Shkencave Humane
 - c. Fakulteti i Shëndetit Publik
 - d. Fakulteti i Shkencave Teknike
- e) Akti zyrtar i hapjes/licensimit: Vendim i Këshillit të Ministrave Nr. 105, datë 28.02.1994

pasi mori në shqyrtim:

- a. Dokumentacionin e Vetëvlerësimit, përfshirë të dhënat e përgjithshme institucionale, Raportin e Vetëvlerësimit dhe dokumentacionin mbështetës;
- b. Dokumentacionin e Vlerësimit të Jashtëm, përfshirë Raportin e Vlerësimit të Jashtëm, dhe dokumentacionin shtesë;
- c. Vlerësimin e cilësisë në përmbajtje, të kryer nga ekspertët e Agjencisë Britanike dhe atyre vendas në përbërje të Grupit të Vlerësimit të Jashtëm;
- d. Dobësitë e evidentuara dhe rekomandimet përkatëse të lëna nga grupi i vlerësimit të jashtëm;
- e. Procedurën e vlerësimit të ndjekur dhe monitoruar nga ASCAL;
- f. Komunikimin e vërejtjet e Institucionit në kuadër të këtij procesi;
- g. Raportin e ASCAL në lidhje me rezultatet e vlerësimit të jashtëm dhe faktin që ky Institucion nuk i është nënshtruar dhe nuk ka aplikuar ndonjëherë për vlerësimin e jashtëm në kuadër të akreditimit institucional;

konstaton se:

- a. Procedura dhe procesi i vlerësimit janë kryer në përputhje me parashikimet ligjore dhe nënligjore dhe afatet e përcaktuara në Kontratën MAS-QAA për këtë proces;
- b. Vlerësimi në përmbajtje është i mbështetur në Dokumentacionin e Vetëvlerësimit, Vlerësimin e Jashtëm dhe gjetjet e verifikimit gjatë vizitës në Institucion;
- c. Raporti është hartuar në përputhje me kërkesat dhe i mbështetur me fakte, të dhëna e dokumentacion plotësues;
- d. Rezultatet e vlerësimit janë nxjerrë në përputhje me gjetjet: pikat e dobëta dhe afirmimet e identifikuar e verifikuar përmes dokumentacionit dhe vizitës në Institucion;
- e. Rekomandimet e lëna janë në koherencë me gjetjet si dhe shkallën e përmbushjes së standardeve të cilësisë për Institucionin në fjalë;
- f. Rezultatet e vlerësimit të Jashtëm në lidhje me shkallën e plotësisë të Standardeve Shtetërore të Cilësisë për Akreditimin e Institucioneve të Arsimit të Lartë në Republikën e Shqipërisë sipas fushave janë: Fusha 1 “**përmbushen kryesisht**”, Fusha 2 “**përmbushen pjesërisht**”, Fusha 3 “**përmbushen plotësisht**”, Fusha 4 “**përmbushen kryesisht**”, Fusha 5 “**përmbushen kryesisht**”, ndërsa rezultati i përgjithshëm “**përmbushen kryesisht**”;
- g. Vlerësimi përfundimtar i Grupit të Vlerësimit të Jashtëm për cilësinë akademike për këtë Institucion është Pozitiv me rekomandime;












Mbështetur mbi rezultatet dhe arsyetimin e mësipërm, Bordi i Akreditimit,

VENDOSI:

1. Vlerësimin Përfundimtar POZITIV për Institucionin e Arsimit të Lartë Universiteti "Ismail Qemali", Vlorë, me rekomandimet sipas Shtojcës së këtij Vendimi.
2. Akreditimin Institucional të Institucionit të Arsimit të Lartë, Universiteti "Ismail Qemali", Vlorë, me kohëzgjatjen prej 3 (tre) vite akademike. Afati përfundimtar i vlefshmërisë së akreditimit të Institucionit është 30/09/2020.
3. Ngarkohet Agjencia e Sigurimit të Cilësisë në Arsimin e Lartë për zbatimin e këtij Vendimi, publikimin dhe lëshimin e certifikatës së akreditimit brenda 14 ditëve nga zbardhja e këtij vendimi, si dhe monitorimin e rekomandimeve sipas Shtojcës bashkëlidhur.

Ky Vendim hyn në fuqi menjëherë.

BORDI I AKREDITIMIT

ARJAN GJONÇA		Kryetar
ALEXANDER KOHLER		Anëtar
FABRICE HENARD		Anëtar
ARBEN MERKOCI		Anëtar
ALEKSANDËR XHUVANI		Anëtar
ANILA PAPARISTO		Anëtar
SULO HADËRI		Anëtar
LULJETA MINXHOZI		Anëtar
MYFTAR BARBULLUSHI		Anëtar
ILIR PANDA		Anëtar
FATMIR GURI		Anëtar

Shtojca

Rekomandime

Universiteti “Ismail Qemali”, Vlorë, duhet të ndjekë përmbushjen e rekomandimeve të mëposhtme të identifikuar nga ekspertët e grupit të vlerësimit, të renditura sipas prioritetit kohor të adresimit nga ana e tij, si vijon:

1. Universiteti duhet të zbatojë një sistem efektiv me procedurat përkatëse për kualifikimin e stafit mësimdhënës të angazhuar në të tre ciklet e studimit, me qëllim përmirësimin e mësimdhënies, mësimnxënies dhe vlerësimin e dijeve. Ky aktivitet duhet të mbështetet në praktikën më të mirë ekzistuese në këtë lëmi;
2. Universiteti duhet të ndërmarrë një plan të detajuar masash për përmirësimin e infrastrukturës fizike të institucionit për të përmbushur plotësisht standardet dhe të sigurojë cilësi të njëjtë facilitetesh dhe akomodimi në të gjitha mjediset universitare;
3. Universiteti duhet të ngrejë Njësinë e Brendshme të Sigurimit të Cilësisë, sikurse parashikuar në Planin e tij të Zhvillimit;
4. Universiteti të vijojë me vlerësimin, monitorimin sistematik të studentëve të diplomuar dhe mbajtjen e një baze të dhënash të qëndrueshme në lidhje me punësimin;
5. Universiteti duhet të zbatojë në praktikë planin e hartuar për mbështetjen e veprimtarive kërkimore të stafit të tij;
6. Universiteti të marrë masa për ngritjen e Këshillit Studentor.

Brenda vitit akademik 2017-2018, Universiteti “Ismail Qemali”, Vlorë, duhet të hartojë një Plan Veprimi konkret për përmbushjen e këtyre rekomandimeve dhe ta dorëzojë atë pranë Agjencisë së Sigurimit të Cilësisë në Arsimin e Lartë.

Ngarkohet ASCAL për ndjekjen e përmbushjes së këtyre rekomandimeve dhe raportimin në BA brenda afatit të përcaktuar në Planin e Veprimit.

